



Inatsisartuni ilaasortaq  
Laura Táunâjik, Siumut  
/ Maani

## Attartukkanit anisitaasarnerit pillugit apeqqutit

Brevdato: 21-10-2015  
Sags nr. 2015-12251  
Dok. nr. 1320359

Asasara Laura Táunâjik,

Attartortunik anisitsisarneq pillugu apeqqutinut nassiussannut qujanaq.

Postboks 909  
3900 Nuuk

Tlf.: (+299) 34 50 00

Fax: (+299) 32 52 86

E-mail: isan@nanoq.gl

www.naalakkersuisut.gl

### 1. Attartortillugu ineqartitsinermit anisitsisarnermi suut tunngavigineqartarpat aamma anisitsinermi qanoq periuseqartoqartussaava?

AKISSUT: Inissiamit attartukkamit anisitaasarneq attartortumut kingunerluuteqartorujussuusarpoq, taamaattumillu inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi (inissianik attartortitsisarnermut Inatsisartut peqqussutaat) attartorunnaarsitsisarnermut suut tunngaviusinnaanersut nassuiarneqarput.

Tunngavilersuutit Kapitali 11-mi allassimapput (§§ 73-imiit 76-imut). Tassani allassimavoq, ineqarnermut akiliummut, imermut, kiassarnermut qularnaveeqqusiissummulluunniit akiliinngitsoonerup kingunerisaanik attartortitsisup attartornermut isumaqatigiissut atorunnaarsittussaagaa. Attartortoq inissiamut, attartortitsisumut, taassuma atorfeqartitaanut, inissiaqarfimmi attartortunut allanut, imaluunniit inunnut unioqquitsinatik inissiaqarfimmiittunut allanut annertuumik ajoqutaasumik pissusilersorpat, attartortitsisup erngerluni attartorneq atorunnaarsissinnaavaa.

A/S Inissiaatileqatigiiffik INI ilisimatitsivoq:

”Attartortoq akiliinissamut nukingisaarummik siullermik nassinneqarnermini ineqarnermut akiligassaminut akiliinngippat. Kiisalu akiliinissamut nukingisaarutip aappaanik nassinneqarnermini ineqarnermut akiligassaminut akiliinngippat. Tamatuma kingorna ineqarnermut akiligassaq akilerneqanngippat, attartortoq qaammatit 24-t tikillugit akilersuinissamut isumaqatigiissuteqarnissaq siunertaralugu sullitanut siunnersortimit attaveqarfigineqassaaq. Attartortoq taamatut isumaqatigiissuteqarnissamik kissaateqanngippat, attartortup anisitaanissaa piumasarineqassaaq. Tamatumunnga atatillugu INI kommunimut najukkamut attaveqassaaq. Taamaaliornermi attartortut, inatsisit atuuttut naapertorlugit ikiorserneqarnissamut pisinnaatitaaffeqartut, ineqarnermut akiliinissamut ikiorserneqarsinnaanissaat, taamaalillutillu inissiamit anisitaanngitsoornissaat siunertarineqartarpoq. Aamma politit anisitsisoqarsinnaaneranut piareersimatinniarlugit attaveqarfigineqassapput.”

**2. Periutsit allangortinniarneqarnissaannut eqaallisaanissamut pisariillisaanissamullu suliniuteqartoqarpa?**

AKISSUT: A/S Inissiaatileqatigiiffik INI ilisimatitsivoq:

”Aap. Attartortoq akiliinissamut nukingisaarummut siullermut qisuariaateqanngippat, A/S Inissiaatileqatigiiffik INI attartortumut toqqaannartumik attaveqassaaq, akilersuinissamullu isumaqatigiissusiorsinnaanerluni misilissallugu. Kiisalu apeqqut 1-imut akissut innersuussutigineqarpoq.”

**3. Inimut akilereersimagaluarluni anisitaanissamik allagarsisarneq qanoq nassuiarneqarsinnaava?**

AKISSUT: A/S Inissiaatileqatigiiffik INI ilisimatitsivoq:

”A/S Inissiaatileqatigiiffik INI attartortunik ineqarnermut akiligassaminnut piffissaq eqqorlugu akiliisimasunik, attartorunnaarsinneqarnissaminnik allaffigineqarsimasunik ilisimasaqanngilaq, tamatumani akiliinngitsoornermit, apeqqut 1-ip ataani allassimasumit allaanerumik peqquteqarluni attartorunnaarsitsinissaq pineqarsimanngippat. Attartortoq piffissaq eqqorlugu akiliinngitsoorsimasoq, INI-p anisitsinissamik ilimasaaruteqarluni allagaata nassiunneqarnera eqqorlugu akiliisimappat, soorunami INI-p anisitsinissamik ilimasaarutaa utertinneqassaaq. Kiisalu INI peqqussut atuuttoq, anisitsisarnerit qanoq isumagineqartarnissaannut nassuiaateqarfiusoq malissallugu imminut pisinnaatippoq.”

**4. Akilereersimagaluarluni anisitaanissamik allagarsisarsimagaanni suut iliuuseqarnissamut periarfissaappat? Aamma kikkunnut?**

AKISSUT: A/S Inissiaatileqatigiiffik INI ilisimatitsivoq:

”Apeqqut 3-mut akissut innersuussutigineqarpoq. A/S Inissiaatileqatigiiffik INI-mit ilisimatitsissutigineqarpoq, attartortoq piffissaq eqqorlugu akiliisimannginnini pissutigalugu anisitaasimalluni akiligassani akileruniuk, atugassarititaasut nalinginnaasut malillugit attartortoq inissiamik qinnuteqaqqissinnaavoq.

Kiisalu attartortut torersaarnissamut maleruagassanik unioqqutitsisimalluni anisitaasimasoq, suliaq pillugu ineqarnermut maalaaruteqartarfimmu maalaaruteqarsinnaavoq, tassanilu maleruagassat malillugit ingerlatsisoqarsimanersoq aalajangiiffigineqassaaq.”

Neriuppunga matuma siuliani allassimasut atorlugit apeqqutitit akisimassallugit.

Inussiarnersumik inuulluaqqusillunga

Knud Kristiansen